

Održana Generalna skupština EuroGeographics-a za 2025. godinu

21.05.2025 10:25



Od 18. do 20.05. 2025. godine u Rigi, Latvija, održana je redovita Generalna skupština EuroGeographics-a – asocijacije koja okuplja kartografske, katastarske i zemljišnoknjižne autoritete iz cijele Evrope. Domaćin ovogodišnjeg zasjedanja bila je Latvijska agencija za geoprostorne informacije (Latvijās Ģeotelpiskās informācijas aģentūra), uz institucionalnu podršku Državne zemljišne službe Latvije.

Posebnost ovogodišnje Skupštine je obilježavanje jubileja – **25 godina postojanja i djelovanja EuroGeographics-a**. Tom je prilikom organizovan svečani prijem prvog dana zasjedanja, zatim gala večera u prestižnoj Kući Crnoglavih (House of the Blackheads), te završna kulturna večer i druženje u Botaničkoj bašti Rige.

Skupština je okupila preko 120 rukovodioca i eksperata iz 40 država, 46 organizacija članica asocijacije. Program je bio tematski usmjeren na zajedničku viziju budućnosti pod naslovom: „**Prevazilaženje izazova za sigurniju budućnost**“, a obuhvatio je niz plenarnih izlaganja, tematskih sesija i interaktivnih diskusija.

Tokom trodnevnog programa, obrađene su ključne teme za rad nacionalnih institucija u oblasti geoprostornih podataka, uključujući:

- digitalnu transformaciju i ulogu geopodataka u zelenoj i digitalnoj tranziciji,
- kapacitete i kompetencije za buduće izazove, sa akcentom na jednakost i raznolikost u institucijama,
- pouzdanost i ranjivost GNSS sistema te njegov značaj za katastarsko-geodetske operacije,
- vještačku inteligenciju i njene mogućnosti i rizike u kontekstu prostornih podataka,
- izazove usklađivanja otvorenosti podataka sa sigurnosnim politikama,
- institucionalne odgovore na klimatske promjene, krize i globalne izazove.

Skupštini su se obratili brojni visoki predstavnici institucija domaćina i međunarodnih partnera, među kojima su ministar obrane Latvije g. Andris Sprūds, predstavnici Evropske komisije, Eurostata, Evropske svemirske agencije (ESA), Svjetske meteorološke organizacije, kao i bivši i sadašnji lideri EuroGeographics-a.

U ime Federalne uprave za geodetske i imovinsko-pravne poslove, koja je i punopravna članica EuroGeographics-a, na Generalnoj skupštini učestvovali su direktor Željko Obradović, i pomoćnik direktora Denis Tabučić. Učestvovanje na ovom događaju nastavak je kontinuiranog angažmana FGU-a u radu evropskih mreža i regionalnih inicijativa koje doprinose unaprjeđenju infrastrukture prostornih podataka i jačanju međunarodne saradnje Bosne i Hercegovine u ovoj oblasti.





```
// Load JS file theme Galleria.loadTheme('files/galleria/themes/classic/galleria.classic.min.js'); // Initialize
Galleria Galleria.run('#gallery-1' , { width: 'auto', height: 500, transition: 'fade', initialTransition:
'undefined', clicknext: false, showImagenav: true, showCounter: true, lightbox: false, imageCrop: false,
imageMargin: 0, imagePan: false, carousel: true, carouselSpeed: 200, carouselSteps: 'auto',
pauseOnInteraction: true, show: 0, showInfo: true, thumbnails: true, thumbCrop: true, thumbMargin: 0,
thumbQuality: true, easing: 'galleria', transitionSpeed: 400, popupLinks: false, preload: 2, debug: true,
queue: true, imagePosition: 'center', maxScaleRatio: 0, swipe: true, fullscreenDoubleTap: true,
layerFollow: true, imageTimeout: 30000, fullscreenCrop: 'landscape', fullscreenTransition: 'undefined',
touchTransition: 'undefined', keepSource: false, trueFullscreen: true, responsive: true, wait: 5000,
idleMode: true, idleTime: 3000, idleSpeed: 200, thumbDisplayOrder: true, maxVideoSize: 'undefined',
videoPoster: true, thumbPosition: 'center' });
```